

北京圖書館 編

北京圖書館藏珍本
年譜叢刊

第 168 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 168 冊



第一六八冊目錄

李秀成大事年表	一
小西腴山館主人自著年譜	一七
耕經堂年譜	二二五
酒五經吟館年譜	六五三
竹間道人自述年譜	六六一

李秀成大事年表

李秀成。幼名以文。廣西梧州府藤縣寧風鄉五十七都長恭里新旺村人。父世高。母陸氏。兄弟二人。弟明成。家貧苦。種山爲生。秀成八歲。受學於其舅。十歲輟讀。助父母營衣食。至二十六七歲。始知有洪先生倡拜上帝。道光三十年六月。洪秀全與楊秀清馮雲山蕭朝貴石達開秦日昌等。在金田起事。金田距秀成所居僅七八十里。秀成聞之。咸豐元年正月。敗清提督向榮軍於大黃江。秀全稱太平王。與清軍相持數月。八月。趨永安。分水陸兩途。蕭朝貴韋昌輝等從陸路。經藤縣五十七都之大黎里。朝貴傳令教徒皆毀家從軍。秀成遂入伍。閏八月。隨軍至永安州。

太平天國元年

清咸豐元年

太平軍入永安州。改稱太平天國。洪秀全稱天王。楊秀清稱

東王。蕭朝貴稱西王。馮雲山稱南王。韋昌輝稱北王。石達開稱翼王。洪大全稱天德王。秦日昌稱天官丞相。以下各授丞相軍師等職。清欽差大臣賽尚阿督兵圍攻永安。秀成從軍。

按秀成供辭無洪大全稱天德王語。此採官書。

太平天國二年

清咸豐二年

二月。太平軍潰永安圍。三月。攻廣西省城。月餘未克。去四月。克全州。擬北渡湘水。清江忠源扼於簑衣渡。南王陣亡。折而東趨。五月。克道州。六月。克桂陽州。七月。克郴州。西王蕭朝貴襲長沙。二十八日至焉。尋中砲死。天王率大軍至。圍攻月餘未克。九月。過益陽。掠得民舟東下。十月。克岳州。十一月。趨湖北。克漢陽。十二月。克武昌。秀成從軍。

太平天國三年

清咸豐三年

正月。太平軍順江東下。連克九江安慶及兩岸各州縣。二月。克金陵。定爲天京。東王楊秀清專政。

秀成以功多。自行伍擢升。在春官丞相胡以晃部下任職。東王令各衙門舉一人爲軍師領新兵。秀成升右四軍師。守太平門外新營。八月。調後四監軍。守儀鳳門外高橋。十月。隨翼王赴安徽省城。

太平天國四年

清咸豐四年

三年十二月。胡以晃破廬州。清安徽巡撫江忠源殉難。至是。調秀成赴廬助守。

太平天國野史。李秀成傳。載破廬州爲秀成首功。與秀成供辭不合。當係杜撰。

擢升二十指揮。專領一軍。

清江南提督和春安徽巡撫福濟圍攻廬州。終年無功。驍將金玉貴戰死。

是年至五年。廬州。

受國。戰事甚多。秀成嘗在廬州。野史謂東王命與陳玉成轉戰江西湖北間。當非是。

是年六月。太平軍再克武漢。七月。曾國藩督湘軍出境東征。八月。收復武漢。十月。破田家鎮。十二月。圍攻九江湖口。

太平天國五年

清咸豐五年

和春福濟仍圍攻廬州。十月陷之。

秀成在廬州或桐城。擢升地官副丞相。

按供辭於是年狀況頗不明瞭。惟六年正月奉命下援天京已任地官副丞相。可知擢升必在此年。太平軍據廬

州。分兵據舒城桐城。以當南路。四年冬曾攻桐城之大小二關。可見桐城之重要。秀成此時或已鎮守桐城。故供辭與升地官副丞相連及之。自四年至五年。清軍攻廬州無虛日。且分攻附近各州縣。五年戰事尤烈。秀成爲此方健將。必不出廬州桐城。擢升丞相。酬其守城之功也。

是年二月。太平軍三克武漢。九月。翼王石達開自湖北入江西。分徇各府州縣。皆下之。

太平天國六年

清咸豐六年

清欽差大臣向榮。總兵張國樞等。自二年圍攻金陵。號江南

大營。五年。益進逼城下。冬。江蘇巡撫吉爾杭阿圍攻鎮江。將軍托明阿圍攻瓜州。亦均亟。鎮江守將吳汝孝屢告急。於是東王調秀成

已爲地官副丞相

及冬官丞相陳玉

成。春官丞相涂鎮興。夏官副丞相陳仕章。夏官又正丞相周勝坤等。下援鎮江。本年正月。秀成等與吉爾杭阿及張國樞軍戰於湯頭鎮。

官書作倉頭鎮

秀成以奇兵襲之。

吉張大敗。

官書言吉張等戰勝。

二月。秀成等渡瓜州。擊破土橋三岔河一帶諸清營。三月

。乘勝破揚州。四月。回師攻吉甯杭阿於高資。又大敗之。吉戰死。凱旋。擊向榮江南大營。六月。盡破之。追向榮張國樑至丹陽。向榮死。七月。內亂作。東王楊秀清北王韋昌輝以次被殺。翼王石達開出亡。

先是和春破廬州後。進破舒城。窺三河桐城。三河守將洪成春告急。秀成奉命赴援。八月。至無爲。三河已潰。九月。福濟遣兵破無爲巢縣。命提督秦定三圍攻桐城。秀成奉命入桐城禦守。十一月。胡林翼李續賓等破武漢。乘勝東下。陳兵皖境。而福濟自廬州三河舒城廬江巢縣無爲連營數百里。逼攻桐城。桐城益困。秦定三他去。總兵鄭魁士督兵繼之。

太平天國七年

清咸豐七年

時陳玉成駐兵寧國。秀成請西渡援桐。單騎會玉成於樅陽。

商方略。玉成從樅陽略無爲巢縣廬江。抄桐城之後。與秀成夾擊鄭魁士軍。二月

。鄭軍敗潰。秀成乘勝下舒城六安。先是捻首李昭壽

一作兆受即李世忠

投歸秀成部下。

引其黨張樂行

官書作落刑

龔得樹

官書稱龔瞎子

等共來歸。秀成自六安往三河尖

當即三河集之誤。爲張

樂行老

招之。取霍邱爲樂行駐地。秀成兵勢益盛。湖北清軍進攻皖省。潛山太

湖等處告急。以命李孟取道英山六安。進援廬州。四月。陳玉成引兵向潛太禦清軍。秀成則屯六安霍山。天朝自楊韋亂後。蒙得恩主國政。秀成玉成俱用事。玉成封成天豫。爲正掌率。秀成封合天侯。爲副掌率。俱主兵事。秀成見國政日亂。約玉成至安慶會商大計。旋奏請天王明賞罰。薄賦斂。用賢才。惠四方。重用翼王。黜安福二王。安王仁發。福王仁達。均天王之兄。天王怒。詔褫爵。羣臣奏諫。乃復之。清江南大營退丹陽後。和春繼向榮爲欽差大臣。與張國樑力圖恢復。本年五月。相繼攻克涇水勾容兩縣。復圍鎮江。朝命調秀成赴援。秀成自安慶返六安。率全軍東行。至鎮江。與和春張國樑大戰。不勝。拔吳汝孝守軍出。鎮江失守。時十一月十二日也。

太平天國八年

清咸豐八年

一三月。和春張國樑復進攻金陵。天王命秀成主朝政。甚

倚重。秀成以清軍日逼。求出京集外援以解京圍。得許。以朝政交蒙得恩林紹璋李春發等分掌。奏請母令安福二王理國事。乃出京。至蕪湖。與李世賢議戰守。時九江爲清將李續賓所破。清軍水陸進攻安慶。長江形勢日岌。而江北德興阿盤據兩浦。以絕金陵北路。金陵更覺陜阨。乃與世賢分任軍事。世賢任長江南岸。

秀成任北岸。此五六月間事也。秀成北渡含山。攻和州。德興阿自兩浦派兵救援。敗之。六月。克全椒。滁州來安。命李昭壽守滁州。後昭壽以滁州降。自據全椒。請。賜名世忠。

欲肅清兩浦。以通金陵。與德興阿勝保兩軍戰於大劉村。大敗。仍返全椒。按平定。

匪紀略載六月間全椒滁州一帶戰事。與供辭相合。

秀成以兵力單弱。不能解京圍。乃於六七月間按供辭謂係九月間。與前後情節不合。當是記錯。輕騎赴樅陽。

約集各處將領會議。各將領均願聽約束。率師會戰。時陳玉成自麻城黃安敗退。

亦到會。更銳任援助。八月。玉成率師由廬州到滁州。與秀成會合。大破德興阿

勝保兩軍於烏衣。和春派馮子材等來援。供辭稱係張國樑。蓋當時國樑聲威出和春之上。人知有國樑。而不知其餘也。亦敗。

秀成等乘勝下浦口。二十日。德興阿江北大營潰。天京遂通。玉成分攻六合。秀

成略儀徵天長。九月。攻揚州下之。玉成亦克六合。時清將李續賓乘虛攻取太

湖潛山桐城舒城。進圍三河。三河守將吳定規告急。陳玉成赴援。奏請秀成偕行

。天王任玉成爲前軍主將。秀成爲後軍主將。十月初十日。秀成率部至金牛。適

玉成與清軍交綏。秀成馳而夾擊之。清軍大敗。續賓戰死。玉成與秀成連軍下桐

城。安慶解圍。玉成進攻宿松。秀成進駐太湖。玉成敗。勸秀成共往再攻。十

二月。爲清將多隆阿鮑超敗於二耶河一帶。秀成引兵返巢縣。

太平天國九年

清咸豐九年

正月。江浦守將薛之元

官書作三元

降清。清將李世忠

即李昭壽

進據兩

浦。天京又困。秀成自巢縣回軍擊兩浦。二月。張國樑來援。秀成與戰。未勝。

供辭稱據浦口以通天京。官書則云江浦浦口均爲官軍克復。

飛調陳玉成共擊。玉成提兵自廬州攻李世忠於滁州來

安。秀成則與張國樑相持於兩浦。數月。勝負未決。七月。和春派李若珠攻六合

。供辭謂國六合將姓朱。蓋李若珠之謬傳。此時若珠任福建提督。

張玉良攻天長。均甚亟。秀成約玉成共救六合。初

不利。揚言攻揚州以誑若珠。若珠分兵。回軍襲之。若珠大敗。和春派馮子材增

援。亦敗。十月。六合圍解。秀成玉成復攻浦口。敗張國樑援兵。克之。殺清提

督周天培。時清將多隆阿破克石牌。圍攻太湖。陳玉成引兵赴援。秀成獨守浦

口。以固天京北路。饟械垂絕。外援不至。勢日困殆。而天王昏暗。疑秀成通於

李昭壽。封禁舟楫。杜絕往來。無何。事解。天王媿對秀成。乃封爲忠王。賜以

萬古忠義四字。秀成入朝。請外出求救。得許。以浦口軍事交黃子隆陳贊明。自

赴燕湖。

太平天國十年

清咸豐十年

正月。浦口江邊營壘及九洲洲均爲張國樑所破。天京益困。

時稱爲五困天京。秀成至蕪湖。檄各處將領徵兵援京。皆願受命。

按秀成正月初一日離蕪湖。

徵令各將領是年事。即用圍趙救衛之計。自蕪湖繞南陵。經寧國。倍道趨浙。二月初三日。

襲取廣德州。留陳坤書陳炳文據守。以備後路。下四安虹星。李世賢以兵來會。

命攻湖州。自率本部六七千人。日夜兼行。廿七日至杭州。一舉克之。巡撫羅遵

殿布政使王友端等均死。和春張國樑聞警。派張玉良率重兵馳援。秀成以疑兵

誤玉良。三月初。輕離杭州。

官書云玉良克復杭州。獲賊數千。皆飭歸。

由廣德至建平。楊輔清李世賢

劉官芳賴文鴻古隆賢等均如約至。議定進功方略。閏三月初七日。分途攻江南大

營。和張等以盛兵外出。救援不及。蘇杭一帶糧道又斷。勢漸絀。秀成大勝於雄

黃鎮。逼近金陵。適陳玉成亦自江北來。夾擊之。十五日。江南大營大潰。天京

之圍遂解。時稱爲六解京圍。和春張國樑潰退丹陽。秀成追之。國樑戰死。和

春走蘇州。潘野關自縊。四月初六日。秀成進克常州。總督何桂清潛逃。張玉良

迎戰於無錫。敗之。克無錫。十三日。克蘇州。殺巡撫徐有壬。

此據官書。供辭云清初文武大員俱未

傷害。撫綏蘇民甚厚。各縣聞風歸順。十六日。克嘉興。更命將分徇各州縣。清

廷禔何桂清職。以曾國藩署理兩江總督。六月。國藩進駐安徽之祁門縣。尋奉旨

實授。并爲欽差大臣。督辦江南軍務。自是規金陵者爲曾軍。張玉良曾退杭州。

至是進攻嘉興。守將陳坤書陳炳文禦之。江蘇巡撫薛煥自上海命兵攻嘉定太

倉。又命洋兵攻青浦。守將周文加告急。六月中旬。秀成由蘇州進援。大敗洋兵

。順流破松江。松江曾爲太平軍所得。五月。七月。進攻上海。未克。適嘉興告急。引

兵赴援。破嘉善平湖兩城。至嘉興。與張玉良大戰。以兵據石門斷其糧道。玉良

兵潰。玉良逃杭州。八月中旬。秀成返蘇。料理撫綏事。

天王詔令北征。適江西湖北十餘縣義民稟請招撫。許之。以蘇省軍務交陳坤書。

歸京。奏請赴上游。久始得許。囑蒙得恩等嚴守禦。儲糧食。以備萬一。乃發。

由太平蕪湖繁昌石埭南行。十月十九日。由羊棧嶺至黟縣。克之。時曾國藩駐祁

門。大震。派鮑超張運蘭迎擊。秀成敗。乃改道徽州。過屯溪。出婺源。至常山

度歲。曾國藩十年五月奏。陳玉成自金陵發來偽文。內稱現派賊目楊輔清李世賢李秀成等直取蘇常。

秀成始見於官書。七月又奏。探報偽忠王李壽成。帶領賊衆由金陵往犯上海。忠王之名。始見

於官書。而一書秀成。一書壽成。可見此時官軍尚未明秀成內容也。

太平天國十一年清咸豐十一年正月初。秀成由常山入贛。經玉山廣信河口。二月初。進

攻建昌。未下。與清將李金陽戰。金陽退撫州。十二日。進攻撫州。亦未下。繞

道宜黃。至新塗樟樹一帶。水漲。未能渡江。三月。繞往吉安。初十日下之。不守。順流北下。四月。至瑞州。破李金陽於太陽墟。擒而釋之。

金陽旋爲會國藩所誅。分徇

上高新昌奉新靖安義寧武甯等縣。五月初。由武甯義寧分三路入湖北。一入興國一入通山。一入通城。連破興國通山通城及崇陽蒲圻咸甯大冶武昌各縣。武

漢大震。官文胡林翼即調李續宜等防守。秀成駐保安金牛一帶。得新兵三十餘萬。

尋以新兵未經戰陣。不足應敵。又聞李世賢敗於樂安。

三月

中旬陳玉成援安慶失敗。

調黃文金增援。劉官芳亦爲會軍所創。

均四月間事。

乃於六月棄湖北各縣。遄返瑞州。

七月。自臨江渡河。屯樟樹豐城一帶。清將鮑超自安徽調至。秀成稍與交綏。

即東去。

供辭云。鮑軍僅傷我兵數百名。而會國藩奏稿鮑超豐城大捷。斃賊七八千。當係飾辭。

八月初。過撫州濟潯。鮑超躡之。廿

二日。戰於雙港湖坊河口一帶。

會國藩奏稱鮑超雙港湖坊河口之績。而秀成供辭乃無一語及之。

在河口收得童海容廣

西之卒二十餘萬。

按會國藩奏稿云。先有花旗廣匪由建昌竄至廣信。盤踞雙港湖坊一帶。僞忠王由撫州回竄。併聚一路。所謂花旗廣匪。殆即童海容之卒。鮑超或與此輩交戰。

故秀成未語及之。

李世賢先已入浙。秀成會之。破金華湯溪嚴州諸城。

官書載嚴州於八月十七日失守。又載八月二十二日

鮑超破李秀成於雙港河口一帶。事如非虛。必是秀成留童海容之兵以禦鮑超。已則先期會李世賢。下取嚴州。

令世賢分徇溫處台甯各屬。秀成則由

富陽餘杭進規杭州。九月廿五日抵姑塘。圍攻杭城。十月。張玉良來援。戰死。

十一月廿七日。破杭城。將軍瑞昌巡撫王有齡俱自殺。秀成命善殮之。並釋布政使林福祥米朝興等。救死扶傷。發粟濟衆。如曩年之在蘇省。十二月。返蘇州度歲。

是年八月。安慶爲清將李續宜等所破。桐城一帶均失守。上游形勢日亟。

太平天國十二年

清同治元年

陳坤書在蘇。殘民以逞。又交通權貴。得封護王。秀成至

蘇。避去。秀成力除坤書虐政。輕徭薄賦。極意撫循。蘇民乃悅。秀成治蘇四

月。軍民安堵。適英王陳玉成蒙難。部屬均歸秀成。黃文金劉官芳等亦均受指摠

。部轄百萬。權傾一國。天王及權貴皆忌之。秀成以朝政日非。奏請勤政惜民。

益觸上怒。隱奪其權。構離其部屬。是年三月。李鴻章至上海規蘇常。四月。

命參將李恆嵩與美人華爾略取嘉定青浦。知府李慶琛攻太倉甚亟。秀成自蘇州往

擊之。十九日。慶琛全軍皆覆。慶琛死。嘉定青浦寶山同時大震。李鴻章方命其

將程學啓劉銘傳等。與英法軍侵奉賢金山等處。飛檄全軍回援。秀成迎戰於太倉

。大破之。英法軍死者千餘。二十八日。進圍嘉定。上海英法軍全部馳援。戰三

日。破之。又斬英法軍千餘。英法兩提督護其殘兵突圍走上海。五月。進圍青浦

。松江英法軍以舟師來援。爲礮所毀。遁去。克青浦。卽進攻松江。美人華爾助守。李鴻章親赴新橋督戰。二十一二十二等日鏖戰最烈。陳炳文邵永寬等當前敵。追官兵及於徐家匯九里橋。直逼滬城。英法軍不敢撓其鋒。按李鴻章盛稱五月二十一日虹橋之績。謂至是英法軍始改容相視。此時英法軍甚畏太平軍。且見之於曾國荃李鴻章奏摺也。此時成功正可望。忽金陵告急。班師之詔屢至。遂解圍返蘇。

曾國荃自克安慶後。乘勝東下。本年四月。破太平蕪湖金柱關東西梁山。五月破秣陵關大勝關三汊河。進逼雨花台。秀成奉詔回援。六月。先遣國宗某率師數萬入援。八月中旬以蘇杭軍務分交各將。自督大兵由蘇返京。（以其母及家眷爲質。示無貳志）。由溧陽東壩圍攻曾國荃軍。自閏八月二十日至十月初五日。共四十餘日。日夜鏖戰。曾軍守禦甚固。未能破。天王以其無功。嚴詔詰責。且褫其爵。令率兵赴江北。王次兄仁達掌軍事。調遣秀成諸將。軍政日亂。十月十七等日。秀成命部將對王洪春元等供辭僅見洪春元。曾國藩奏報。對王外尚有章王納王（邵雲官永寬）及忠王次子。章王守京。納王守蘇州。當未名列。先發。自九洑洲渡兩浦。與李世忠激戰多日。尋南下。略含山和州巢縣。進據運漕銅城東關各隘。十一月。進規無爲州。曾軍蕭慶衍毛有銘等禦之。

太平天國十三年清同治二年正月。秀成部陸續渡江。大破李世忠軍。二月初四日。克

浦口。十六日。克江浦。按供辭僅言收得兩浦。未云何時。據官書知爲本年二月。供由和州辭有先年先發部將而去一語。可見秀成渡江必在正二月。

含山至巢縣。沿途居民爲洪春元等鈔掠。慘不忍觀。命屬員汪宏達振卹。如在蘇

杭。按秀成供辭以陳坤書洪春元兩人援民爲大憾。三月。自巢縣攻石澗埠。清守將毛有銘劉連捷拒之。會

國荃遣彭毓橘自金陵增援。彭玉麟亦率水師至。相持十餘日。去之廬江。敗清軍

追至城下。供辭如此。會國藩奏稿則云守將梁美材等出擊擒斬甚衆。曾國藩急調鮑超往援。秀成已於二十日過廬

江。二十一日至舒城。與蔣學凝一戰。旋去。至孔城。馬融和率部至自河南。與

之合。馬融和說見於官書待考。二十四五日。至六安。攻城未克。擬由此赴豫。會陳德才之

軍。以地絕人荒。糧糈告罄。不能往。會國藩奏稿云。據生擒賊供。忠會圖取廬州和州之米以保金陵之巢穴。又云。搜獲忠會僞文。將由舒城六

安而上英霍麻城宋埠。一出黃州。一出漢口。援犯湖北。意欲掣我南岸之兵以援北。掣我下游之兵以援上。無非圖解金陵之圍。按秀成供辭無此等語。乃返旆東歸。過壽春

。至天長。李鴻章會國荃等聞秀成東歸。恐其下窺揚州。東援蘇州。國荃乃急

攻雨花台及聚寶門外諸壘。四月廿七日。以次破之。金陵大震。天王急召秀成回

京。秀成曾留洪春元守巢縣。四月。爲鮑超等所破。含山和州聞警皆潰。鮑超

劉連捷蕭慶衍等并軍於五月初攻克江浦浦口。十四五日。楊載福彭玉麟與劉連捷

等又攻克下關燕子磯各壘及九洑洲。長江一帶爲所肅清。

秀成率部渡江。正曾軍圍攻兩浦。爲所截擊。損失甚重。自蘇杭以至江北。傷亡戰士十數萬人。類皆精銳。兵力自此遂衰。

是年。左宗棠收復浙江諸郡縣。八月。克富陽。進攻杭州餘杭。陳炳文汪海洋禦之。李鴻章攻破太倉崑山吳江震澤各州縣。七月。進攻蘇州。譚紹洸等禦之。均屢告急。而印子山營爲曾國荃所破。金陵形勢日緊。秀成請天王遷都以避其鋒。不許。請援蘇州。數請。始許之。

八月中旬。秀成至蘇州。與李鴻章軍激戰。由閶門進屯馬塘橋。九月戰益力。而是時金陵之江東橋高橋門上方門諸要隘以次失守。楊輔清退東壩。李世賢退溧陽。金陵益岌岌。不料蘇州守將邵永寬等叛變。殺譚紹洸。降李鴻章。蘇州於十月廿四日失守。秀成自馬塘橋退至丹陽。時李世賢屯溧陽。力勸秀成他去。秀成不忍棄其主與母。乃於十一月回京共守。

是年四月。翼王石達開入蜀。爲土司所陷。執送成都死。

太平天國十四年

清同治三年

秀成留京不能出。李世賢等見國事無望。於正月糾衆上江